

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 26.11.2019թ. թիվ 1910477531 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<23>> 12 2019թ. 17-13-1084 0

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արտակ Պապյանի ՄԴ/4248-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Եղ.Թադևոսյան փողոցի 12/1 շենքի 24 բնակիչ Արտակ Պապյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 1910477531 որոշմանը՝ նշելով որ երթևեկության ուղղությունները բաժանող հոծ գծանշման ընդհատվող հատվածից է շրջադարձ կատարել դեպի ձախ:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Արտակ Պապյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին թիվ 1910477531 որոշումը վերանայման ենթակա չէ հետևյալ պատճառաբանությամբ.

<<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> ՀՀ կառավարության 955-Ն որոշման համաձայն՝ **5.15.1 <<Երթևեկության ուղղությունները գոտիներով>> ճանապարհային նշանը ցույց է տալիս գոտիների թիվը և երթևեկության թույլատրելի ուղղությունները՝ դրանցից յուրաքանչյուրով:**

Ճանապարհային ոստիկանության վարչական տույժ նշանակելու մասին թիվ 1910465958 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում հստակ երևում է ինչպես Երևան քաղաքի Մյասնիկյան-Գայի-Մայրանի փողոցների խաչմերուկի հատվածում 5.15.1. <<Երթևեկության ուղղությունները գոտիներով>> ճանապարհային նշանի առկայությունը, այնպես էլ դիմումատուին պատկանող տրանսպորտային միջոցի վարորդի կողմից նշված ճանապարհային նշանի պահաջը չպահպանելու փաստը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Արտակ Պապյանի՝ Ճանապարհային ոստիկանության թիվ 1910477531 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին՝ Արտակ Պապյանի անվամբ կայացնել նոր վարչական ակտ:
3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:
4. Սույն որոշման օրինակն ուղարկել Արտակ Պապյանին և ՃՈ ՏՄՀԽԱ կենտրոն:



Ե.Կարապետյան